

說部叢書

第十九初集十編

婚事小說

一仇三怨

上海商務印書館發行

一仇三怨

第一章

美國墨梨綸村之柏鳩生與槐哥米柯兩河間。有森林地曰森墨黎。一巨廈屹然。曰辣溝納夫。其主人名尼古拉。饒於產。產故自祖留貯者。蓋曾爲軍官或巨商。歐洲遷此營殖。長子孫頗稱意。尼古拉初亦經商。後從軍有功。勳官至水師分隊長。晚娶不育。後嗣缺如。人或議其老。竊竊及似續。尼古拉微聞之心大動。乃擇親族中之當意者。得一外孫女。曰雷愛蝶。幼喪父。其母亦已早逝。由人致之教堂育孤院。以養以育。年十七肄業聖母院學校。尼古拉旣求爲後。迎歸。將授產焉。

愛蝶姿態不俗。斌媚出天然。見者莫不憮眙。慧而貞一絕。無佻巧氣性。復幽嫋以簪。年經厯苦。況志氣彌歛。故居荒寂之深林。獨以爲適。纖荏如苔蘚。弱不勝衣。而勇果。氣溢於眉宇。居一年。卽一千八百十二年英美戰役起事之月。墨梨綸創設義勇隊。凡男子能荷槍者。無不赴敵。以故村中除老弱奴婢外。幾無一青年。地故荒僻。度未

必蒙其害。尙稱安堵。居無何。英兵艦駛入。乞失蔽河岸上。遂爲戰場。地距村最近。而艦中有弁。曰叨革。鴟張甚。暴惡不可禦。凡婦女有姿。及財產稍豐。無能免者。由是閨人少。婦被擄者。不可勝計。

森墨黎森林中。尙無恙。商賈交易如曩日。雖婦孺司職。無驚恐。耕者亦然。隴植有煙葉山薯之屬。婦人督黑奴工作。亦不變。學校中三尺童子。皆以課餘作兵隊操。至八月十七日晨。而此熙和之樂。土忽被破壞。蓋叨革之兵隊。已由河口擾入。恐慌四起。婦孺皆裹襪。挾糧。爲避難計。遣黑奴執鞭弭。策綏倉卒。成行。

辣溝納夫宅尤喧。壤草場橫。蹇衛襪被筐篋。積路隅。臧獲張皇。運載不及。則棄其重者。將往茫高。墨梨村尼之別墅也。愛蝶跨青驄。一媼一圉。卒左右之。媼曰。極尼圉。卒曰。阿利拔尼。與夫人乘車。督諸僕。輜重累隊。而行行三里。許臨歧。欲別。蓋因愛蝶不能行遠。擬先就附近海山村憩息。村固。女友芬毅所居。芬毅甫新婚。有佳婿尼古拉。呼愛蝶語。屬其致意。芬毅之父芬利將軍。且曰。無事勿輕出。又顧媼及圉。卒慎事主。

人至勞將軍邸卽歸。辣溝納夫謹守。筦庫英兵若不至。幸甚。設有他故。廬舍幸無恙。則修葺之。室中物有存者。收藏之。毋怠。忽媼卒。唯諾。受命始分道去。

愛蝶意仍怡適。是間固平靜無驚也。鳥鳴木末。魚泳溪間。行歌互答。景好若游仙女。情緒安鬯。不殊平日所微不釋者。辣溝納夫之巨廈未卜成毀。何如。悄然有懷。騎不覺紓緩。久之忽駐馬不前。顧視媼卒面無人色。怪而問曰。胡不快若此。極尼曰。姑娘幸勿問。婢等送姑娘至海山村行返。舊居株守耳。女曰。二人偕返耶。媼曰。然。姑娘勿慮。英兵若來。死吾二黑奴耳。庸何傷。女曰。返守何物耶。媼泣曰。雞犬乎。牛乎。有物在。皆當謹守焉。愛蝶聞之。頗躊躇。手弄香鬢。色怊悵者有頃。撥馬首遽返。仍令二人隨行。圉卒曰。姑娘安之。女曰。辣溝納夫邸中。圉卒顫聲曰。胡爲復往。曰。無他。惜此巨第。又不忍令爾。二人隱僻死。皆曰。天乎。此奚可者。且主人知之。必致我等於死。鄰居嘖有煩言。謂吾二人不忠而置一美慧。荏弱之女郎於危地。女曰。鄰居何言之有。設邸第保全者。則吾爲建功之英雄。不幸而不然。則笑我爲愚懶而已。媼及卒聞言。窘甚。

羅拜馬前而哀之曰。幸姑娘勿爲此速至海山村爲宜。女曰。否。吾志已決。二人知不可阻。抑然從之行。不知彼女郎何物足以禦寇。而剛決若是。無可復言。

至辣溝納夫。時且暮矣。愛蝶更衣入臥。亦不知何時。忽媼入。竭力撼之。令醒。且呼曰。英盜且至。幸勿死榻上。女驚顧。視門外圍卒立。犬聲狺狺然。似有多人擁入者。叩門聲甚厲。且有乞憐聲。女曰。是殆避亂之民耶。聞彼哀乞聲。令人不忍。阿立拔速往納之。圍卒受命。若甚驚怪者。媼助之燃燭。手顫燭滅。是時圍卒啓門矣。履聲連翩入室中。漆黑益驚。愛蝶自取火燭之。入者皆海山村家屬也。言已爲英兵所掠云。

第二章

次日天氣晴明。風日佳麗。村落之間。百物向榮。微風拂女子鬢。秀色薰人。溪水潺湲。如奏天樂。樹葉颶颶相與唱和。蝶栩栩蜂音。黃鳥坐林間。奏曲其聲清揚。於斯時也。佳人韻士。不知若何之娛樂者。絕不意極人間之危險。乃俱發現於此美妙佳適之日。

女方居室中督婢僕家課。忽聞馬足聲。久而漸近。意忽悟。殆英兵猝來矣。伏窗窺之。果有兵隊行且至。糅雜爭競。漫無秩序。數於馬上顛搖似飲酒過醉者。面俱發兇光。喜怒交迸。彼蓋挾放火殺人之氣燄來者。入場卽馳笑撞門。當先者一人。卽所謂強暴之叨革也。見者莫不知之。其人短胖。頭巨如斗。頸粗短。脣厚廣。目深凹。火赤色。若有血矢攢發者。髮蓬蓬如赤棕。儼然一野獸惡魔。加以酬酒。獵怒欲搏人。彼其狀直挾一無物不擢之勢。

愛蝶突見顏色慘白。驚若死。計無所出。知不幸。若犯我。惟以死謝之。志旣決。態益鎮靜。節操愈堅。覺彼畏死者爲肉體所累耳。今旣捐除此見。則靈魂爲主宰。又何畏死之有。志已決。乃卓立不動。勇氣凜然。且計至無可奈之際。始自裁決。今不輕以死嘗也。是時驚怪之色盡去。英毅之氣忽伸。豔若桃李。而冷逾冰雪。媚奪脂粉。而剛羞金石。天仙化人。植其俠首。殆非尋常巾幘所能例也。好風微吹。其鬢閒暇。若無事。叨革蹤躡入。衆兵隨之。忽視愛蝶而歎曰。有如此佳人。顧且叱其衆曰。爾等速退。恐

偷聞之乎。吾爲首領。萬事當佔先。吾率爾等死。亦當率爾等樂機會。自至胡莽莽。若是醉魔速退。勿溷乃公衆。錯愕不敢前。叨革視女面作鄙聲曰。佳人爨下有物可飽。吾從者乎。幸賜斯須。愛乃顧媼卒不之見。旋視外室。極尼已驚仆。不復能動。圉卒立草場上。齒戰股栗。狀絕可憐。手一木耙。似欲擊盜者。異哉。叨革笑曰。勿亟。吾見佳人。欲嘗雙吻之味。幸以紅芬玉頰。賜近鄙人。又顧叱曰。衆不來。殆聾贖耶。吾欲獨留此。且有時爾。等待於外。不奉令乎。衆却。叨革徐趨愛蝶前。愛屹然立。不動亦不語。盡捐慌迫狀。凜然舉手禁之。令勿前。一手垂衣下。藏短槍。賊固不覺也。

女正色曰。聽我言。勿前。叨革果却立。曰。佳人暫緩可也。然肉昧羅前。當速食誦。念不可久。女語琅然告之曰。吾將種也。父死沙場。爾亦武人。誼不可凌辱。同類之孤雛。叨革曰。然佳人吾愛爾。欲得爾歡心。彼等小子。孰敢傷爾毫髮。語時直趨欲前。女復手禁之。曰。緩。吾尚有言。叨革曰。可。可速言。莫故延。彼等飢甚。吾誓不吻佳人。不嘗食也。女曰。吾獨居此。無保護者。所以敢然。則爲守先人之敝廬。故吾意凡人俱有天良。一

弱女子尤非軍人之剛正所忍。欺凌吾嘗聞敵師入境。殘人之生壞人之廬。劫人之產。猶以爲誑言耳。大國之師決不爾。爾軍人亦人也。非禽獸也。英國軍人尤君子人也。非野蠻也。吾故不信。悠悠之口。今將軍至此。宜堅吾信仰之心。勿墮爾軍人之譽。將軍圖之。簞食壺漿。爨下婢自當咄嗟辦第令吾老弱安堵。如逢嘉賓。則將軍之大惠。亦將軍之隆名也。吾意將軍必察吾誠。叨革曰。嘆詞令佳哉。能言之佳人。終不及芳軟之吻。速賜潤澤。躍而前愛蝶知不可理喻。乃持槍而起。毅然欲自裁。叨革大驚。蓋彼固最畏死者。突然退呼其從者。前速縛女。奪其械。衆猶却顧。叨革曰。衆畏弱女子耶。胡勿前。衆視愛蝶美。且被酒。忌其主。終不動。叨革且詈且往。愛蝶舉槍在手。一手搖曳。呼曰。且緩。我一言。吾槍決不擊。軍官及從者。吾自擊。外絕不及他人。爾等勿患。以吾私心度之爾等應發天良。憐吾無罪。而釋吾。吾念爾等各有老母姊妹及愛妻。戰而返。尙可。一見吾今惟念此。爾等何獨逼一弱女子。必苦我。以流血。今日之事。一言決耳。槍在吾手。苟近吾身。則火機一撥。伏尸爾等前矣。語時。以槍口擬額旁。神。

定。不少瞬。衆聞。驚若木雞。叨革詈曰。衆胡不前。相持以終日耶。爾等聞吾言否。縛其手。奪其槍。然後再謀。女曰。遲矣。吾槍在額。尙及縛與奪耶。斯時。女額旁。卽一鐵管。恃爲絕妙保護之友。

叨革大言曰。速前。畏彼火機耶。彼撥火機。血不卽冷。吾且遂吾願。行吾故事耳。速前捕之。忽一年少軍官。獨策騎稍前。告叨革曰。請將軍收回成命。勿貽後悔。曰。爾胡干預吾事。愛蝶曰。敢前一步。吾得以腦血濺爾襟。軍官愀然曰。必勿復前。叨革怒曰。爾違吾令耶。軍官曰。將軍息怒。此殆必不可。叨革乃命他軍弁褫其服械。正違令之罪。衆從之。叨革又曰。爾等尙敢不遵吾令者。明日悉治以軍律。慎之。槍斃也。二軍弁欲前。愛蝶顫聲曰。上帝赦吾罪。吾自殺矣。語罷。火機忽撥。寂然無聲。女乃擲槍而頽。叨革笑曰。狡猾哉。吾未見若是之作僞也。圍卒前呼曰。非僞也。吾私去其彈斗。彈在此。語未畢。已爲盜黨所擊仆。叨革涎色而前曰。佳人。吾得之矣。速吻速吻。愛蝶四顧。欲盼助者。不得。將起遁。第四圍皆賊衆。遁安之。正惶急間。叨革曰。聽之遁可耳。彼能遁。

吾能追獵而捕鼠頗可觀壯士捕美女尤可玩也吾有命聽之遁孰先捕得者給與偶斯時愛蝶起遁數卒逐之至側門前少年軍官鶻起奪劍入手以身格卒與女間大言曰孰先敢近女者劍斫之語畢挺劍立貌文秀腕弱如婦人然勇氣百倍奮臂當前似足辟易千人者叨革劇怒詈不絕口戟指而言曰捕若人槍洞其胸棟之地方相持間忽草場前見有軍隊來約略數百人多於門內賊三倍女大驚

第三章

是日有年少學生數人在大學校中方聚謀禦敵聞森林巨廈中有警且已知芬毅受驚矣有馬克勞德者甚勇尤與愛蝶稔率衆荷槍來救與賊戰入門奔叨革叨革方獨立持劍亂舞克勞德剛拾一斧乘衆圍攻伏鞍而前舉斧力擊叨革仆不動用力過猛險墜馬下賊衆知首領傷不可敵鬪然鳥獸散

英國少年軍官者方喘息於愛蝶前似力戰已疲者克勞德見之疑爲己敵持斧欲斫愛蝶躍而前身蔽軍官手揮斥而言曰克勞德君此救妹者幸勿爾軍官亦持愛

蝶。不。釋。當。時。景。況。乃。一。絕。妙。英。雄。兒。女。圖。也。異。哉。以。萍。水。而。爲。鯉。鱗。

克勞德見此大惑不解呼愛蝶曰是英軍官也胡若此愛蝶曰有故是拯妹者妹困於叨革若倒戈爲妹禦侮瀕危急者屢矣直待君來若未嘗稍懈克勞德曰然則叛兵也軍官聞之乃釋手答曰然吾叛兵克曰爾之位置殊混亂不明軍官曰吾不悔克曰他不言吾代愛妹謝君救一弱女子軍官曰吾性固若是設更遇事相等者吾且復爲之語畢目視愛蝶忽叨革負劍起欲遁克勞德奔逐之

是時室中僅愛蝶與軍官二人愛蝶曰君因救妾故乃至冒險若是軍官曰然吾爲此應得若何之愉快乎今幸甚吾亦樂甚當姑娘卓立待敵美麗若神詞令清朗動吾感情已甚吾已願爲姑娘死及姑娘以槍自擬吾又願與姑娘同死今知免矣無他願願姑娘他日念此荷戈前驅之人耳愛蝶曰咦君傷乎何疲軟已甚軍官曰愛蝶姑娘此傷得自吾黨中非自彼少年救姑娘者余名姑娘固不知他稱乞恕之女曰愛蝶吾名君應呼之特君創甚顏色慘白可懼哉速睡於榻稍舒困頓旋又曰榻

過堅遷吾臥室軟裯上可乎。軍官曰敬謝姑娘吾將往不能久延女曰唉君胡往軍官曰吾必往陳吾情否則彼等必謠諑陷吾於罪女曰幸勿往軍中治叛兵無能免者必不可入阱軍官曰姑娘恤我乃擊婉若是言已睨視不瞬女曰吾待有恩者安得不恤又誰能不擊婉軍官曰然則姑娘不欲吾辨明己事耶女曰非然吾思君往危險且倍於頃間故不願往使君而有今日令妾悔受君之拯救矣軍官曰吾所以爲此者本願以身殉姑娘今歸質於軍事裁判所彼皆據法理言非野蠻軍隊兵之可比也語畢乃援愛蝶手吻之領而別出門解馬欲行

忽克勞德倉皇歸逐叨革未及也問軍官曰去乎曰然克曰君力似不勝鞍轡安能往軍官曰吾死軍律不得不歸命於有司也克曰知之雖然君傷過重恐不勝軍官不語突出其手握克腕復顧視愛蝶作禮爲別力疾乘馬去

愛與克俱視軍官登騎須臾出門外過草場馬忽斜立人墜克大驚奔救出其足於蹬挾之起愛蝶色遽變克曰昏厥矣憊甚彼行時吾已恐其不支今果然奈何妹速

抱持彼吾取水甦之既而克以水至禦敵同校生數人至俱言追叨革不及已四散矣衆俯視軍官欲問愛蝶以故克突至舉水沃其面且述顛末於同校生并囑延醫有透斯頓者馳往乃昇傷者入客座之榻上醫來入室愛蝶自徘徊於客座間俄而門啟知爲醫校學生惠萌也索水及布女給之旋仍徐步甬道中聆察近狀忽聞吁聲甚厲令人骨悚踰二下鐘惠萌出醫師從至門右臂染血皆赤惠萌乃索鹹及水滌之醫師請女曰姑娘入吾有語奉白女急曰傷者若何醫師曰無恙若看護得宜尚可活也今吾欲白者卽此事耳曾憶姑娘看護有疾者獲佳效今與姑娘商暫攝看護事以人命責任托姑娘當邀重諾也若有所需遣則惠萌在舍姑娘外無他人任此

是夜愛蝶不眠以侍傷者故輕扇和暘小圭量藥玉指彈敷蕙心妥帖媼則助之齎水揚沸研藥乞火惠萌臥側榻鼾聲出座右燈火熒熒又一幅佳人侍病圖也晨光初動惠萌醒愛蝶得瓜代始出盥漱更衣傷者益劇幾暈瀕死者數次卒以醫

藥得宜。調護周浹。故漸獲生機。如是者踰數禮拜。方得移榻而坐。

傷者起坐椅上。愛蝶侍奉不懈。既而老父及夫人婢僕俱自別墅返。知之大譽女之。智勇得完財產廬舍。女曰。非兒之力足以致此。實某大學校生克勞德等所賜也。老父曰。若非女英雄在此。彼學生誰肯顧者。以女故。得完財產廬舍。皆奇功也。吾譽之。不爲過。吾重獎女。將以女適格律米沙教師。卒承吾嗣財產。盡有焉。

踰數月。道路傳聞。且議和。傷者軍官。仍居辣溝納夫宅中養疴。未獲痊可。斯時叨革創亦平。來視軍官。且言他日歸。將舉渠以賞其功行。且作別。將赴新遷之任所。凡需月金。當代郵遞。而設法爲請。假鳴呼幣。重言甘豈。非誘我以德報怨。事必不然。愛蝶亦疑之。惟姑聽其所爲。

第四章

來年之春。英國軍務長官有命。乃派遣葉茂格爾赴加拿大。茂格爾者。卽受傷之少年軍官也。未行。求婚於愛蝶。愛蝶許之。並囑伊以善辭求尼古拉尼。大恨言有三不。

可允。一人品不如格律米沙。二爲猶太族。三英軍官仇敵也。大斥不許。且怒甚。三日
詈不已。夫人勸之不能解。後乃召愛蝶至。將與面決。女至尼曰。以吾所言必嫁格律
米沙君。若以爲然。則吾財產盡屬爾。夫婦吾與夫人第得度日足矣。否則爾必嫁仇
敵者。吾不敢復以爾爲嗣。語畢。愛蝶曰。外祖乎。言盡於此乎。如吾意者。則外祖不復。
愛憐我。然耶否耶。尼曰。是不可說。吾以爲格律米沙不辱爾。亦不辱吾。若軍官者辱
爾矣。爾不謂然。吾何敢復留爾。欲嫁軍官者速自爲之。愛曰。兒將商之於茂格爾。
乃見茂格爾於別館。茂曰。久不見。將安往耶。女曰。往外祖處。茂曰。何言。女曰。吾言之。
恐君意不紓。茂曰。第言勿隱。女曰。吾可以身事君。茂曰。果然耶。女曰。然。惟是。茂曰。
已允決矣。何後言爲。女曰。母躁。聆吾言。君知吾當爲外祖之後。嗣耶。茂曰。不知。且未
計。及吾以爲彼必有子息於他方。不知爲後者。卽姑娘也。愛蝶曰。吾欲爲彼後嗣。惟
是今茲有變。彼以爲非嫁好友格律米沙者。則必不以財產與我。且絕吾嗣。茂驚曰。
然。則卽謂嫁我後。遂不能蒙彼寵愛。巨產立時見奪耶。愛蝶姑娘事當由爾設。不允。

我者亦惟姑娘吾不敢贊一詞吾敬獻於姑娘惟區區愛心耳身外物則止三尺劍別無長物吾憐姑娘含淚難忍敢不直陳姑娘果肯從我一軍人乎盍自言或以手置吾掌姑娘三思以吾故而奪姑娘種種幸福我心滋戚不欲復言女不答以手置彼掌且曰吾允君語由今日明日至永永無盡日俱不少變何三思爲語訖目垂暝色頰氣促淚含眶不墜茂格爾乃吻其手復以手置諸胸旋抱其體繩縕至再三情話悱惻逾時茂格爾乃囑女往告外祖女牽茂格爾偕行

入室尼古拉蹀躞室中見二人入曰已決議乎曰決矣尼曰快睹爾等歡好行禮當以何日茂曰何禮尼曰婚禮耳茂附女耳問曰親愛之愛蝶當以何日乎曰兒意聽外祖命尼曰外祖無命爾等早諾伉儷可耳新娘爾意若何茂格爾曰姑娘第言之愛蝶曰然則以明年春若何尼斥之曰否尙有七閏月不已久乎茂格爾曰可宜早不宜過遲尼曰盍卽以下禮拜俗類於禮拜二及四成婚今卽準此甯勿較便茂格爾曰禮拜二乎愛蝶曰四乎尼曰爾等不能決吾代決以禮拜日何如語畢出

尼古拉夫人聞之知事已決。握茂格爾手抱愛蝶吻之曰願二人伉儷永諸誓以偕老。且賀茂格爾君得佳婦也是日卽禮拜五距禮拜無多日矣。夫人乃助之摒擣旣豫備男女皆欣然不知其他事之足擾心也。

禮拜之日有女學生伴新婦以克勞德伴新郎君行禮畢尼古拉未登車入新夫婦輿內告之曰吾有要語須一陳明愛蝶聞言探首出視尼曰自今以往君夫婦結褵矣請勿復相見行矣珍重復顧茂格爾曰葉君少選當遣送君行李及夫人奩具於旅館語已遂行愛蝶挽之欲偕往旅館晉爵爲壽尼不顧克勞德則心不謂然夫人亦勸之尼怒曰爾等自往胡瞞我爲絕裾而去。

時夫人意良不忍雖以夫怒故然得孤行己意且曰小夫婦若未他往吾必伴之不使爾等寂寞也送婚者皆盡歡旋聞有舟往加拿大者夫婦遂乘之往任所遂與夫人掩淚而別。